



Samo je jedna mama

Za domaću zadaću učenici su imali napisati sastav na temu *Samo je jedna mama!* Sutradan, u školi učiteljica pita tko će prvi čitati. Javi se Mirjana:

- Ja sam neki dan vozila bicikl pa sam pala. Onda me moja mama poljubila i sve je prošlo. Samo je jedna mama!

Zatim se javi Jelena:

- Moja mama meni uvijek pravi moje omiljene kolače kad sam neraspoložena i ja se brzo oraspoložim. Samo je jedna mama!

Onda se javi Perica:

- Meni mama spremala palačinke i pošalje me u ostavu da donesem dvije tegle džema. Ja odem do ostave i vidim da nema druge tegle pa joj viknem: Samo je jedna, mama!

Izgradnja

Dali ponudu za izgradnju tunela Amerikanci, Slovenci i Bosanci. Amerikanci ponudili da će tunel bit gotov za šest mjeseci, Slovenci da će krenuti u dvije ture, jedna s jedne, druga s druge strane, pa će se sresti na sredini. A Bosanci kažu: Mi ćemo krenut' isto k'o Slovenci, a ako se ne sretnemo na sredini, imat ćete dva tunela.

Knjiga žalbi

Bili Mujo i Suljo u nekom hotelu i preko noći ih izujedali komarci. Žale se sutradan njih dvojica recepcionaru, a ovaj ih pita jesu li ostavili upaljeno svjetlo.

- Jesmo, bolan!

- Ma, morate ugasiti, svjetlo ih privlači!

I tako drugu noć oni ugase svjetlo, kad ulete krijesnice. Poviče Mujo:

- Bjež' mo, Suljo, evo ih s baterijama!



Ma ko te pita

Bio Mujo u Sahari. Vratio se u Bosnu i priča doživljaje svom drugu Sulji.

- Idem ti ja jednom tako kroz pustinju, kad za mnom lav, te ja bježi, al' lav za petama, te šta ću, kud ću, ugledam ja drvo, pa bježi na nj!

Gleda ga Suljo blijedo i kaže:

- De, bolan, koga ti zezaš, ok'le ti drvo u pustinji?

A na to će Mujo:

- Ma ko te pita, penji se!

(O)čaj

Kaže Mujo Fati:

- Skuhaj mi čaj bez limuna!

Nakon nekoliko minuta Fata se vrati iz kuhinje i kaže:

- Mujo, nema limuna, može l' bez nečeg drugog?

Ispit

Polaže Mujo vozački pa ga na ispitu pita policajac:

- Reci mi, Mujo, šta je to: stoji na raskrsnici i regulira saobraćaj?

Razmišlja Mujo pa zapita policajca da mu nekako pomogne jer mu je na vrh jezika, a policajac odgovora:

- Imaš crveno, žuto i zeleno.

Mujo se premišlja pa odjednom odgovori:

- Aaaa, da nije žuto?



Sudar

- S kim ste se sudarili? – pita policajac vozača.

- Nemam pojma s kim, pobjegao je, onuda... niz provaliju...

Kako se čujemo?!

Pješačili dugo dvojica Bosanaca i sjeli malo da se odmore. Kaže jedan:

- Joooooj, ne osjećam noge!

A onaj drugi će:

- Oš da ja skinem cipele pa da osjetiš moje?

